

**GHANAIAAN LANGUAGE AND CULTURE
FDC213 (ELECTIVE)**

**TOGUM NAANƐ GURENƐ PUAN
(LANGUAGE STRUCTURE IN GURENƐ)**

**FOR
COLLEGES OF EDUCATION**

Abiriya Martin

Revised Edition

©2018

FDC 213 GHANAIAN LANGUAGE AND CULTURE III (ELECTIVE)

Zamesego Pa'alego(Course Description)

Zamesego la de la ku bo fole ti zameseba ta'am gi kankaŋi yela anaasi Gurenε pa'alego yela puan. yela la de la; Tɔgum Naanɔ(Language Structure), Tɔgum Tuuma(Language Usage) Zaaleŋa(Literature) la Buuri Yela(Cultural Studies).

Zamesego(kɔɔsi) la putĩ'ire(a) (Course Objective(s))

Zamesego bii kɔɔsi la ta ba'asa la ti zamesa wan ta'am; dike putĩse'ere la mi'ilum sebo ti a nye la pa'ale a miŋa buuri tɔgum puan.

Zamesego la n pu se'em de la

1. tɔgum naanɔ
2. tɔgum tuuma
3. zaaleŋa la
4. buuri yɛla.

Wele(Unit)	Zamesego zuo(Topic)	Zamesego bɔka(Sub-Topic)
1	Tɔgum naanɛ	Fonologi <ul style="list-style-type: none">• Fomimi дума pa'alegɔ• Lɛta: lɛta дума n boi a tɔka se'em la fonimi дума• Alofoni дума n de sɛla• Silabuli дума

		<ul style="list-style-type: none">• Silabufikeesin• Silabuli naane n boi di toka se'em la silabufication• Tooni• Tɔgum n tari tooni duma <p>Tɔgum wara</p> <ul style="list-style-type: none">• Ita• Namesa• Kompulementi• Yelesum naare• Yelesum naaŋɔ
2	Tɔgum tuune	Sipesalasi esipesiresin

		<ul style="list-style-type: none">• Tɔgebiɲmo• Yɛm tɔgum/idiyumisi
3	zaaleɲa	Gulego/luɲa tɔgum Za beyu'ura (Naduma)
4	Buuri yeɛla	<ol style="list-style-type: none">1. Beni la beni n pa'ali buuir, malema, la na'am yeɛla2. Yele ani n pa'ali ti neba boi la buuriyine puan3. Buuri malema asia<ul style="list-style-type: none">• Pɔgesa'ara malema• Pɔgedire (tɔka tɔka, ka naari la la nari)

		<ul style="list-style-type: none">● Pɔgelebesego(sela n ta'ase la daanseko n boi bini● Malumsi'a ti ba ita bo'ɔra pɔgepuusi duma, bia ti ba dɔge la ki'ima● Yu'ure sika <ol style="list-style-type: none">4. Nayire (naduma tũusum)5. Na'am gɔŋɔ6. Na'am naane (yire la kotiŋa)7. Sirasakerɛ la di tara
--	--	--

		sɛla ita tu vom puan 8. Buuri naresum yɛla
--	--	---

Mini ya!(Note!)

Ya wan tara tuuma bii asãamenti buyi ti ya iɲɛ. Ya kelum tara tɛɛsi buyina ti ya iɲɛ sɛmɛsita bii zamesegɔ wa puan dɔla sansɛka ti kɔlegi la wan pa'alɛ la

TOGUM NAANɛ (LANGUAGE STRUCTURE)

FONOLOGI (PHOLOGY)

FONIM DUMA(PHONEMES)

Yelesum bii yelebire ka zi'a zi'a bɔna. La de la kɔɔsi(sounds) n naari taaba lebegeera yelebire ti yelebire bii yelebea mi naara taaba lebegeera yelesum/yelesum duma. La de la kɔɔsi wa puan ti fonim duma bɔna

Fonim dela kɔa n teeri yelebire vɛure ka san bɔna yelebire pɔsega puan. Mageɛ wuu (Mw),

tu san yeti **buke**, /b/ n de kɔɛka n pɔseri yelebire la. La de la bala noɔ ti /d/ dena kɔa pɔsera **duke**. Tu san bise yelebea ayi wa, tu wan nye ti a nyɔ'ɔ la de a **uke**. **Uke** me de la yelebire n tari vɔre. Gee sela

n pake la dela uke tari vɔɔre bii ka tari vɔɔre, /b/ bii /d/ san pa'ase **uke** la puan dena kɔa yia daana wuu tu nyeti la de se'em zuen wa, tu wan nye ti tu tara yebeɛa ayi ti a vɔ̃a la bɔna tɔka tɔka. Buke la duke **Buke** dela fum dike sɛla pagele fu bɔkɔ zuo gee ti **duke** dena fum kan nam itegɔ sɛla gee foe fu nɔgbama/nɔgama ayi tole neɲa. Yelesum duma wa n boi tilum wa wan base ti fu bɔke yebeɛa wa vɔa suɲa.

1. Ataɲa buke la kuure.
2. Ba ka duke nuure gura dayita zabeɛe.

Tu san biɛ duke la buke la, sɛla n baɛ ti yelebɛa la vɔa bɔna yima yima la de la si pɔsega/pi'ileŋo kɔɔsi la. Ɖwana iŋa, /b/ la /d/ dela fonim duma **b**uke la **d**uke yelebɛa puusum, sɛla n sɔi la a baɛ ti yelebɛa la vɔa bɔna la tɔka tɔka.

Yelebɛa la a fonim duma n gã tilum wa.

bukɛ(to be very slow in acting),

dukɛ (to remove a pot or anything from cooking),

fukɛ (to remove something that has been pegged) ,

kukɛ (to raise one's head for example from a pillow)

/b, d, f, k/ de la fonim duma buke, duke, fuke la kuke yelbea wa puusin.

gelege (turn round)

welege (separate from)

belege (to beg)

delege (to turn one self or something from upright position)

/g, w, b, d/ de la fonim duma gelege, welege, belege la delege yelebɛa wa puusin.

zolego (a mad person)

kolego (dawadaw)

/z, k/ de la fonim dumna zolego la kolego puusi.

Mina ti tu kan ta'am yeti kɔa(sound) de la fonim ka san ka tɛsena yeire bii yelebɛa vɔa.

Lɛta duma (Letters)

Lɛta boi la ka tɔka la **kɔa**. Lɛta de la dɔalesum ti tu iŋɛ boi sɛla yi'ira la yu'urɛ gee me tara a naara taaba nyɛta yelebire/yelebɛa. Kɔa de la voole ti tu dɔla tu iŋa ye le ye wuu nnɔre bii sɛla yoo ita ti la luta tu tuban. Tu nyɛti lɛta la tu nini gee tu kan ta'am nyɛta kɔa bii voole la tu nini san dagna tu kelesi mɛ la tu tuba. Sɛla ti tu ni iŋɛ ti la pa'alɛ ti kɔa bii voole la ti tu wuna la ka ŋwɔni taaba de la tu tari la lɛta duma

la dāala pa'ala. Mw, **a** de la leta ti solemiine puan tu yi'ira ti 'ee' gee ni dāale ka la beena ayi /**a**/ ti la pa'ale ti ka ka de leta letera. Ka nyaa de la kɔa bii voole(sound). Ti voole bii kɔa wa yi'a dena /**a**/. Bala iɲa, **a** de la leta ti /**a**/ dena kɔa bii voole.

Leta duma: a, b, d, e, f, g, h, i, j, k, l, m.....z

Fonim duma(kɔɔsi/voole duma) /a, b, e, f, g, h, i, j, k, l, m.....z/

Alofon duma (Allophones)

Alofon (allophone) de la kɔa bii voole n boi yelebire pɔsega/pi'ileɲo puan ka tera di vɔɔre.mw, yelwbɛa ayi wa n boi tilum wa.

Yine la **Wine**. Tu san bise, yelebire la yɔ'ɔ de la **ine**. Kalam, ine ka tari vɔɔre Gurene yelebea la puan wuu uke ti n pa'ali ni fonim duma puan la. Gee la pugum dagna la yelebire la yɔ'ɔ tari vɔre bii ka tari la n pake. Sela n pake la de la pi'ileŋo koa la wan tee yelebire la vɔɔre yo? Tu san bise **Yine** la **Wine**, kɔsesi n pɔseri yelebire la de la /y/ la /w/. Kɔɔsi la boi la toka toka gee yelebire la vɔɔre ka tee. A woo togeri la mina daana n maale saazuo la tiŋa wa la sela woo n boi bini la, ti tu keleum yi'ira tii Naayine bii Naba-Ayine ti solemiine puan ti tu yi'ira ti 'God'. Kɔɔsi siyi wa, /y/ la /w/ de la alofoni **Yine** la **Wine** puan. Tu bise alofoni duma n boi tilum wa la yelebesi'a puusin ti a bona.

Yelebe

Alofon

Duma

Siŋɛ, kiŋɛ (go)

/s,k/

Gee, dee (the conjunction ‘and’)

/g,d/

Si, ki (millet)

/s, k/

Gele, zele (egg)

/g,z/

Wi,yi (to call)

/w, y/

Weefo, yeefo (a horse)

/w,y/

Silabuli/vo'osum duma (syllables)

Gurene yebea wuu yebea n boi togum woo puusin se'em la, yi'a puan tari la beena. beena wa ti tu yi'a ti vo'osum bii sulabuli ti solemiine puan tu yi'ira ti 'syllable'.

Yelebire ta'am tara vo'osum buyine, buyi, butã bii se'em ma'a. vo'osum wa sujeri ti tu tãna yi'ira la yelebire suja gee mi gulesera di ma'a.

Tu bise yebea n tara **vo'osum buyina ma'a**.

Yelebire(word)	Tu	yi'iri	Syllable(s)
-----------------------	-----------	---------------	--------------------

	solemiine se'em (The word in English)	
Da	To buy	Da
Di	To eat	Di
Mam	I	Mam
Fum	You	Fum
Yem	Knowledge	Yem Yem

Laa	Bowl	Laa
-----	------	-----

Vo'osum buyi yelebɛa (Two syllable words)

Yelebire(word)	Tu yi'iri	Syllable(s)
	solemiine se'em (in English)	
Daka	Box	Da-ka
Duko	Pot	Du-ku

Pikε	Open	Pi-kε
Baare	Ban or an arrow	Baa-rε
Zuure	A tail	Baa-rε
Da'a	Market	Da-'a

Vo'osum butã yelebea (Three syllable words)

Yelebire(word)	Tu yi'iri	Syllable(s)
	solemiine	

	se'em (in English)	
Welege	To separate	We-le-ge
Kolego	Dawa dawa	Ko-le-go
Tagera	Foot wear	Ta-ge-ra
Tikiya	Teacher	Ti-ki-ya
Zaaleṇa	Literature	Zaa-le-ṇa

Vo'osum bunaasi yelebea (Four syllable words)

Yelebire(word)	Tu yi'iri	Syllable(s)
	solemiine se'em (in English)	
Bakolego	Soothsayer	Ba-ko-le-go
Sapemesum	Air	Sa-pe-me- sum
Kusebego	Wind	Ku-se-be-go

Zamesego	Learning	Za-me-se-gə
-----------------	-----------------	--------------------

Vo'osum bunuu yelebea (Five syllable words)

Yelebire(word)	Tu yi'iri	Syllable(s)
	solemiine	
	se'em (in	
	English)	
Yelebe'ero	Sinful	Ye-le-be-'e-
		ro

Bunsilemasio	Dwarf	Bun-si-li- ma-sio
Bakoledoore	Soothsayer's stick	Ba-ko-le- doo-re
Asampambila	Name of a person	a-sam-pam- bi-la

Yelebea naaṅṅo kooṣi puan

Gurene puan yelebea naaṅṅo zo'e zo'e doli me la Konya'ana(Kn) Koda (Kd) . Gee yelebea asi'a me ka dola bala. Bise mam pa'ale se'em wa tilum wa.

KnKd - daka, poka, teko, make, lebe

KnKdKn - Mam, fum, kom, zom, sum

KnKdKd – Paε, saε, boi, loi, taε

KdKnKd – iṅε, iṅa, ena, ana, aba, ele, obe

KnKnkd – Mma, Nso

Silabifikeesin

Silabifikeesin de la fu puti yelebire ita vo'osum дума puusin fu gulego bii yi'a puan. mw si-la- bu- fi-kee-sin. (Syllabification is the separation of a word into syllables, whether spoken or written).

Sela ti silabifikeesin bona a toka la silabuli dela, silabifikeesin de la fum dole sosere welesa vo'osum дума n boi yelebire puan gee ti vo'osum дума ti fu yelese la dena silabuli дума la. tu san dike paka (a shed), a tari la silabuli дума ayi. **Pa** la **ka**. La san dena silabifikeesin, tu wan wele di la pa-ka.

Tooni/limesego/Kɔa zɔŋa bii sika (Tone)

Gurenɛ yelebɛa zo'e zo'e vɔa yeseri la a yi'a puan na. Fu ta'am tara yelebire ti di yi'a la pɛrege base ti vɔɔre la tɛera. Fu san yi ti fu kɔa la zɔna bii sigera yelebire la vɔɔre ni tee mɛ. mw, **baŋa**. Fu san yi ti bɔŋà, kɔa la sigeri mɛ. yelebire la vɔɔre de la bunvũa n tari nama anaasi yaa la bɔna tia zuo la. fu san yi ti báŋá, fu kɔa la yi'iri zɔna mɛ. yelebire la vɔɔre de la sela ti tu tara pita nu'usin la. Gurenɛ ylesum puan fu san nyɛ 'baŋa' gee ti kɔa zɔŋa bii sika dãalesum la ka bɔna bini, la de la yelesum puan tit u wan dike baŋɛ yelebire la vɔɔre.mw, Baŋa la zoi zom la tia la zuo. (The lizard has climbed the tree)

Baṅa la mikere bia la nuo la mε. (The bangle can enter the child's hand)

Gurenε otografi (orthography) la pa'alε tit u san gulesera yelebεa tu da tara kɔa zɔŋa bii sika dāalesum ita kɔdaa la zuo. La de la tu base ti yelesum la suŋε ti tu baŋε yelebire la vɔɔrε gee me ta'am yi di ma'a wuu tu nye se'em zuoen wa.

Yelebεa ti kɔa sika bii zɔŋa tεera a vɔa.

Yelebire	Kɔa	sika	Kɔa	zɔŋa
	vɔɔrε		vɔɔrε	

Ba	Bà (they)	Bá (father)
Zom	Zòm (climb)	Zóm (flour)
Muṅa	Mùṅà(hat usually worn by chiefs)	Múṅá (a behaviour not showing respect)
Da'a	Dà'a (market)	Dá'a (the act of buying)
Pale	Pàlé(to fill a	Pálé (road)

	pothole)	
--	----------	--

Tɔgum n tari tooni duma/kɔa limesego tɔgum (tonal language)

Gurenɛ de la tɔgum ti kɔa limesego bii yi'ira yelebɛa ti kɔdaasi n boi bini la zɔna bii sigera. Wuu tu pugum nyɛ mam pa'alɛ se'em zuoen wa, tooni duma de la sɛla n teeri yelebire vɔɔrɛ. bala iɲa tɔgum san bɔna tub u yelebɛa yi'a puan tɛɛra vɔɔrɛ yɛsa la kɔa zɔɲa bii sika wa, tɔgum bumɔ boi la tonal tɔgum la puan.

Togum Wara (Grammar)

Togum ka boi ka tara wara. La me de la bala noo Gurene puan. Sela tu tu yeti tu bise kalam de la ita (subject), namesa (object), naarega/kompulementi (complement), yelesum naare (sentence pattern) la yelesum naano (sentence structure).

Ita(subject)

Yelesum woo n yeem bona bu tari la sela ti tu yi'ira ti **ita**. **Ita** yelesum puan ze'ele bo la se'em bii sela n tuni tuune yelesum la puan. mw, Ayameña nme Aduño. Ayameña de la ita yelesum la puan. Ayameña n tum tuune. Tuune la me de la ne'ea la ti a nme la. Zo'e zo'e, Gurene

tugum la puan ita yaε la a bɔna yelesum pɔsega puan. Gee bala ka pa'ale ti ita ka ta'am bɔna yelesum tiɲasuka bii ki'ileɲa. Base ti tu bise ita n boi yelesum duma zĩsesi la a tuuma de sela.

Ita n boi yelesum pɔsega

1. Tia la vike lu mε (the tree has fallen)
2. Baa la legeri la ko'om la (the dog is taking in water)
3. Amɔgere yeti a kiɲε la kumaasi zina (Amɔgere is to go to Kumasi today)
4. Atipɔka n lobe Aduko sapeka

Ita n boi yelesum tiņasuka

1. Kugere la n bala ti Ataņa ηworege la.
2. Buņa torego la ti bia la dati ni la ku sagum me.
3. Pesego ti Akolego da ni la boi me
4. Atia ti Amoa tu ni bulikan la

Ita tuune yelesum puan

1. Ita ta'am dena yu'ure yelebire yelesum puan
2. A ta'am dena yu'ure yelebinaare
3. A de la se;'em tuni tuune yelesum puan

Namesa (object)

Namesa de la se'em bii sela n bo yelesum puan ti ita la ita. Wuu ita ani se'em la, namesa ko'om ka bona yelesum zeyiŋa ma'a. Namesa ta'am bona yelesum ba'asego puan bii pi'ileŋo puan.

Yelesum дума ti namesa bona bini.

1. Apaabise da la kuteyeefo/kuteweefo.
2. Kuteyeefo/kuteweefo ti Apaabise da la
3. Abugepoka tuure la bugum ti a duxe dia

Kompulementi

Zo'e zo'e nera ka mi kompulementi duma bogesa la namesa. Namesa ka togeri bii pa'ala ita la paara yelesum puan.

Kompulementi de la yelebire be firesi n ni base ti ita bii namesa yelee naira paara.

Dwana pa'ale ti kompulimenti duma pu pae buyi. Seba pa'aseri vore bo'ora ita la seba pa'aseri vore bo'ora namesa yelesum puan.

Kompulementi n tari vore pa'asera ita.

Bise yelesum duma wa;

1) Apa'aleba ημε Abuja

2) Apa'aleba de la puleja

1) Buja la n ze zero la

2) Akolepoka boti ni la loore ti a ije a pagedire la

Yelesum дума wa puusin, yia 1) yelesum дума la tari la namesaba-
Abuja la zero.

Yelesum buyi 2) woo la puusin tu wan nye ti de la puleja la boti ni la
loore ñira pa'ala ita-Apa'aleba la Akolepoka

De la puleña la pa'apli la Apa'aleba n de ita yelesum la puan la paara.
La dage la a yu'ure n de Apa'aleba ma'a gee a le dena la puleña. De
la puleña yelesum la puan n de kɔmpulementi.

Boti ni la loore n de kɔmpulementi yelesum bu yima la me puan.

Bise kɔmpulementi duma n boi yelesum duma wa puusin wa

- 1) Ayuuma de la dabεεbega ti la ka tãna ita
- 2) Bunya'am-mɔlega la tari la iilegira
- 3) Abaa nɔŋε la daam

Yelesum Naare (Sentence Patterns)

Solemiine puan, yelesum kankaŋi tari la bogesi siyi. Ita la itego n tebegeeri putiŋyine ita la itego la san lagum taaba. Ita la pa'ale la se'em bii sela n iti itego la. Zo'e zo'e ita la ni dena la yu'ue bii yupa'alega. Gurene puan me de la bala nuu gee yelesum busebo boi me ti naarega ba'asum pa'ase bini.

Itego la me ni pa'ala ita itego la n iti se'em se'em bii n iŋe se'em. Itego yelebire la n ta'am dena tuune yelebire mw **zoi** bii bii n ka tari tuune it ita mw **de la**.

Yelesum duma n tari ita la itego ma'a solemiine puan

- 1) Mary slept
- 2) John wept
- 3) He lamented

Tu san bise solemiine puan yelesum duma ti n pa'ale zuoen wa, yelesum woo tari la ita la itego ma'a.

Gurenε tu wan yele se'em de la

- 1) Mεeri gise ni
- 2) Yoni kele ni

3) A fabele ni

Gurenε puan **ni** la de la la pa'alε ti itego la inεtole mε.

Tu ta'am yeti;

1) Mεeri giseri (Mary sleeps)

2) Yoni keli (John cries)

3) A fabeli (he/she laments)

Kalam, vɔɔre la tee mε gee tu kelum tara la ita la itego ma'a yelsum
duma.

Yelesum duma ti fu bɔta ti nera bɔkɛ yɛla zo'e zo'e kan baɛ ana ŋwana gi'i gi'i. See ti fu nɛ gãresɛ bu. Bala yelebɛa wan pasɛ ita puan, ti asi'a pa'asɛ itegɔ la me puan. mw:

- 1) Zaam yu'unɔ la Mɛeri zaam gise nerawoo yia
- 2) A fabeli la yɛla n ka doli soore se'em
- 3) Pɔgemɔlega la nɔŋɛ diiro paa

Tu san san bisɛ yelesum duma n boi zuoen du'u wa, yelebɛa pa'asɛ ita la itega yelebɛa ayi ma'a la puan gee la bala za'a sa, yelesum duma la kelum tara la ita la itegɔ ma'a. Ŋwana pa'alɛ ti yelesum la dela kilɔcsi (clause).

Beni n de kilɔɔsi?

Kilɔɔsi de la yelesum bɔka n tari itegɔ yelebire diyina ma'a bii ita la itegɔ yelebɛa n lagum taaba tara vɔɔrɛ. Solemiine puan ti tu yeti (A clause is the combination of a subject and verb).

Kilɔɔsi duma bɔkɛ la buyi.

1) Kilɔɔsi duma n tã zi'a si ma'a tara putĩ'ire (independent clauses)

Mw,

a) Akolepɔka kiŋɛ kulega

b) Baa la di dia la za'a

d) Abugerɛ kule ya

2) Kilɔɔsi duma n kan ta'am zi'a si ma'a ti putĩ'ire la nĩε.(dependent clauses)

Pa'alegɔexample)

a)Ba san paε atato na

b)Nera san yi fu

d)Apo'ore n paε ni se'em ma'a na la

Tu san bise 1) a, b, d, kilɔɔsi duma la, a tã ze a ma'a tara putĩ'ire bii vɔɔre. gee 2) a, b, d kilɔɔsi duma la ka base ti putĩ'ire la nĩε. Fu wan nye ti sokere bona bini. Mw, ba san paε atato na beni n wan iņε? Bii

nera san yi fu, fu inε ηwani? Bii Apoore n paε ni se'em ma'a na la, beni n inε ni? Kilɔɔsi sisi boti la sela pa'ase ti si ta'am tara putĩ'ire.

Mw, Apo'ore n paε ni se'em ma'a t imam gisi ni mε.

Yebeεa naare a naasi kankañĩ (four basic patterns)

1. Yelesum daasi/naana yelesum (Simple sentence)- One independent clause

Yelesum daa/Naana yelesum de la yelesum

- i) Ita la itego n lagum taaba yelesum. Mw, kilɔɔsi sesi n tã zi'a si ma'a ti n pa'ale zuon wa.

ii) Kilɔɔsi n tã zi'a ka ma'a tara putĩyine.. Bu tari la ita la itego ma'a.

2. Yelesumta'anɛ (Compound sentence)-Two or more independent clauses.

Yelesum ta'anɛ de la fu dike yelesum daasi siyi bii n gaɲɛ siyi tã taaba ti a lebege yelesum yimo. Kalam sɛla tit u yi'ira ti ta'aresi yelebɛa ti tu tara ta'ara yelesum daasi la. ta'aresi mw, dee/gee, ti, la.

Bisɛ yelesum duma wa n boi tilum wa.

- i. Abɔlega da la loore ti Asampua day ire
- ii. Ayaneba di la mui gee so iɲa
- iii. Pɔgesi la wa'am ni na la si tole Bɔlega

3. Yelesumtakãtɛ (Complex sentence)- One independent clause plus one or more dependent clauses

Yelesumtakãtɛ de la yelsum n tari kilɔɔsi n tã zi'a ka ma'a bii yelesum daa la kilɔɔsi duma n ka tã zi'a si ma. Kilɔɔsi n tã zi'a ka ma'a la de la kayina gee ti sesi n ka tã zi'a si ma'a la ta'am dene siya bii gaɲɛ bala. Mw,

- i. Ba san pa nu'usi la suṅa suṅa gee baam baam nyεlesi base na,
mam wan wa ti ya puure suke.
- ii. **Pɔka la wan kule zina** ba san bo ka keegi gee ti loore mi bɔna
ye'esa.
- iii. Ayemboi tole Bɔlega gee base Amoa ti a εera tuuna

Tu san bise yelesumtakāra wa, a woo tari la yelesum daa la kilɔɔsi
duma n ka ta zi'a si ma'a.

Yia yelesum la puan, ba san pa nu'usi la suṇa suṇa de la kilɔɔsi n ka tã zi'a ka ma'a

Baam baam yelesi base na me de la kilɔɔsi n ka tã zi'z ka ma'a. Mam wan wa ti ya puure suke de la yelesum daa.

4. Yelesumtakãte kãte (compound complex sentence) – Two or more independent clauses plus one or more dependent clauses.

Yelesumtakãte kãte de la yelesum n tari yelesum daasi siyi bii n gana ba la kilɔɔsi ayina bii n gani bala. Mw,

- i. Ataṅa kuti la kɔa gee yagemera yagumbasa nyeta ligeri da'ara logero
- ii. Ba ka kuli na gee me ka soolum ligeri na la ti Akoo ka da lolega la gee da pesego ma'a.

Tu san bise yelesum yia daana la puan, di tara la kiloo siyi n ta zi'a si ma'a gee tara kiloo siyi n kan ta'am zi'a si ma'a.

Sesi n ta zi'a si ma'a la la de la;

1. Ataṅa kuti la kɔa
2. Ataṅa yagemeri la yagumbasa

Sesi n kan ta'am zi'a si ma'a la de la;

1. Nyeta ligeri
2. Da'ara logero

Yelesum la bala tari la kilossi duma si naasi wuu tu nye se'em zuon wa.

Yelesum Naanjo

Togum de la fu wan ije se'em dike yelebɛa tigesɛ a ti a dena yelesum tara vɔɔɛ. Yelebɛa tigesego wan boi toka toka zo'e mɛ. Yia daana, tu wan bisɛ yelesum naanjo yesera sela ti tu yi'ira ti yelebɛa deto (parts of

speech/word classes) puan. Fu san yeti fu bise yelesum, bu tara la yebea n yese deto toka toka puusin na. yebea deto wa de la

Yu'ura/Yu;ura yebea (nouns)

Itego/itego yebea (verbs)

Yupa'alesi (adjectives)

Itego pa'alesi (adverbs)

Piripozisin (preposition)

Kozonesin дума (conjunctions)

Fu san ɛɛra ti fu baɲɛ yelebire deo, la dage fu kɔ'om bisera di ze di ma'a gee see ti fu baɲɛ di vɔɔrɛ, di boi yelesum puan zi'an boba (pɔsega, tiɲasuka bii ki'ileɲa), la di tuunɛ yelesum puan. mw, ‘

i. Atiɲa sɔ iɲa' (Atiɲa has washed down)

Fu san bisɛ, ‘sɔ’ yelesum la puan fu wan baɲɛ ti sɔ yelebire la boi la itego yelebɛa deo la puan.

Bisɛ yelesum sebo n boi tilum wa

ii. Atiɲa sɔ boi (Atiɲa's father is there)

Yelesum 2) n boi zuon wan ‘so’ kan ta’am dena itego deo yelebire bem zuo, ‘so’ vooɾe yelesum la puan de fu doɾera n nera. Dwana ija di wan bona la yu’ura deo puan.

Yelesum naane kankani solemiine puan de la bu tara ita la itego gee ti namesa ta’am bona bii ka bona.

Ita(subject) yelesum puan zo’e zo’e ni dena la yu’ure/yu’ure yelebinaare n de nera, zi’an/tiɲa bii sela yu’ure.

Itego/piridiketi (predicate) la me ni dola la ita la pa’ala iteseke ti ita la iɲe bii ita.

Namesa n to'ori itegɔ la, me ni dɔla itegɔ.

Bala iɲa solemiine puan tu wan nye ti tu tara sɛla ti tu yi'ira ti **ita**, **itegɔ namesa (subject, verb, object)** Yelesum. Gurene puan la de la bala nɔɔ.

Bise Yelesum дума wa n boi tilum wa.

1. Akolegoma di sagebɔ (Akolegoma has eaten TZ)
2. Deebia nyɔke sagirega (a cat has caught a mouse)
3. Amɔgere kiɲe kulega (Amɔgere has gone to a river)

Yelesum duma butã wa n boi zuon wa, bu woo tari la ita, itego la namesa.

Akolegoma, Deebia, la Amogerε de la iteba (subjects)

Di, nyokε, la kiηε de la itego duma (verbs) ti,

Sagebo, sagirega la kulega dena nameseba (objects)

Tu san bota ti Yelesum la yalege gaηε bala, tu ta'am dike pa'alesi pa'ase Yelesum la puam. Pa'alega la ta'am pa'ala yu'ure (yupa'alega) bii ka ta'am pa'ala itego (itego pa'alega).

Bise yelsum duma wa n ga tilum wa.

- 1) Ayamṅa pɔga Akolegoma di sagebo la kalam
- 2) Deebiṅmabesere la nyɔke sagirega bala tou
- 3) Apɔka kiima Amogere kiṅe kulega la zina

Yelesum buna butã wa puan wa, tu nye ti bu yalesɛa pa'ase me.

Yia/wia yelesum puan, Ayamṅa pɔga pa'ali la Akolegoma ti kalam me pa'ala di. Bala iṅa Ayamṅa pɔga n pa'ali Akolegoma n de yu'ure la, de la yupa'alega yelebinaare(adjectival phrase) yelem la puan.

Kalam n me pa'ali di n de itego la, de la itego pa'alega.

Gurenε puan pa'alesi n pa'ali yu'urε ni ta ko'om naa la yu'urε la dena ylelebiyiε. Yelesum buyi puan zuon wa tu wa nye ti nmabesere n de pa'alega pa'ala deebia la, ka ze ka toka. Ka lagum la deebia la lebege yebebiyiε. Gee la se'em me, yelebire la nobege pa'ase me. Tou yelesum la puan de la itego pa'alega n pa'ali nyo'okerε la n nyoke se'em se'em.

Yelesum butã puan la, Apoka kiima de la yupa'alega yelebinaare yelesum la puan. De pa'ali la Amogerε. Zina yelesum la puan de la itego pa'alega n pa'al saɲa(adverb of time). Ka pa'ali la itego la iɲε saɲseka. Kinε la kiɲε la dadini?

1. TŌGUM TUUNE (LANGUAGE USAGE)

Tu doli soa asi'a base ti nyela la yem zamesego bona tŏgum puan. So-
ana asi'a de la

a. Tŏgebiŋebo/Tŏgebiŋemo

Tŏgum nyelum de la fum tari tŏgeniŋebo pa'asera fu tŏguma. Ba
san yeti Azgela mi la tŏgum taka wuu bole la de la, mina ti a de la
se'em n ka base tŏgum poorin a tŏgum puan. Tŏgebiŋebo de la beni
ti la nara ti bu bona tŏgum puan?

Wuu yelebire n pugum pa'ale se'em la; ti fu tŏge biŋe bo se'em n
keleseri la ti a bŏke.

Tɔgebiŋebo de la yelesum n ani ŋwana gi'a gi'a gee ti bu vɔɔre la yalege gee me ne ka niε, bɔta la fu tĩ'ise pae gee bɔke. Ba kɔ'om dagna yelesum duma gã ti ba tũura a ti a dena sɔsega. La de la sɔsega puan ti tɔgebiŋebo yɛsera na. Zo'e zo'e la de la bunkureba n nyaa la ba tara tɔgebiŋebo ita ba sɔsega puan. Tɔgebiŋebo fii wa n boi tilum wa.

- Baa yeti lu ti n lu n de de'eno
- Saana ka wa'am yidaana kum
- Saana n zagese sunseko la a leberi la kuŋo puan
- Bisɔ'olego nyani kugere

- Sunja dage kaam lagera
- Abayeti naama ka doli
- Tiŋa woo la ka zom bunε
- Te'elego nyani zua
- Budoo ka keli ku tadaana tiŋa

La bu sebo

Togebiŋebo Naanε (Structure of Proverbs)

- Bu yelesum la ani mε ηwana gi'i.
- Bu vooɾε la ka niε. Yelsi'a tu ba tara magesa bii togera togebiŋebo puan la boi la seba n togeri bu la korum korum puan. mw, nera n

boi Gureᅇo tiᅇa wa ta'am yeti **'lia n eeri ka ᅇmati mε'**. lia de la loko n boi Gureᅇo so'olum la n ta'ase ti a dike iᅇe togebiᅇebo la puan la.

- Toᅇebiᅇebo busebo doli la magesa puan toᅇera. Mw; 'bua ka dike ka zuure yi dibere' kalam, bua zūure ti ba dike make la dibere
- Toᅇebiᅇebo busebo toᅇeri ka'ana la nereba bii zeregera ba. Mw; 'napεεla n tari dia gee fiᅇepεεla ka tari dia'. Kalam pa'ale ti fu san dena zinyaka, fu kan nye dia. La nari ti fu dena la tintuna.
- Toᅇebiᅇebo de la yelesum duma n ka eeri lebesego.

- Bu doli mε la sɔɛga puan yeta. Bu dage tɔgesebo n ko'om tuura bu ma'a biɲera.
- Zo'e zo'e, tɔgebiɲebo boi la bunkreba/bunkεgesi sɔɛga puan. Gee komseba n tari yem zo'e la mi ne ta'am tɔgera tɔgebiɲebo ba tɔgum bii sɔɛga puan.

Tɔgebiɲebo sum yela

- i. Tɔgebiɲebo ka'ani la nɛreba ti ba ka tuna sela n ka nari
- ii. Bu de la tɔgum ti nɛreba dɔla bini zamesera yem
- iii. Bu base ti yetɔgum n tara tibesum

- iv. Ba doli tɔgebiŋebo puan pɔsera zɛba mɛ. mw, ‘ba ka duke nuure gura dayita zɛberɛ’ bii ‘ba ka saaleni pɛɛma gee ɛɛra a vua.
- v. Ba tari tɔgebiŋebo zɛregera sɛba duma n ka vɔi vomsebo n nari
- vi. Tɔgebiŋebo base ti fu ka nɔŋɛ fu tɔgera zɔ’ɔra. Sɛla n sɔi la, fu wan tɔgeni sarege sarege la, fu ni ta’am dike tɔgebiŋebo tɔge gi’i ti bu ze’ele bo fu wan tɔgeni sarege la.

b. Idiom /yɛm yelesum (idioms)

Idiom de la firesi(phrase) bii yelebinaare ti yelebɛa la vɔa ka dɔla digesinari(dictionary) vɔa n de se’em la. idiom duma boi la ba tɔka

la tɔgebiŋebo. A tɔgeri la nera ma'a yele. A aŋa, itego bii sɛla n paɛ e. Idiom duma tari la vɔɔre diyina diyina gee tɔgebiŋebo ta'am tara vɔa n gaŋɛ diyina. Mw tu san yeti '**a nɛ la tiŋɛ**', di vɔa de la bunsɛla n dum e. Vɔɔre ka le bɔna pa'asɛ gana bunsɛla n dum e wa. Gee la san dɛna tɔgebiŋebo ti nera yeti 'baa yeti lu ti n lu n de de'ɛno' vɔɔre la wan yese la sɛla puan ti nera yele bala la. La san dɛna la nereba bayi n kiŋɛ da'a ti ayima kɔ'ɔm da'ara sɛla woo ti ba di gee nyuura gee ti a yima la ka fɔɔra lagefɔ. Dwana ta'am basɛ ti se'em foori a ligeri ita sɛla woo la ta'am soke yele ti, 'ba yele ti baa lu ti n lu n de de'ɛna la ti fu ka wum' ti la vɔɔre dɛna wuu la dage ɛna ma'a kɔ'ɔm

fɔɔra ti bad ita gee nyuura. La san le dena wuu ba de la zoto ti ayima kina kaara/limesera ayima gum gee ti ayima ka kina atadaana la yire, ayima la ta'am le dike idinyumi wa make ti la pa'ale ti la nari ti ba kina taaba ye, gee dage ti ayina ma'a kina kaara atadaana la gum. Kalam fu wan nye ti 'baa yeti lu ti n lu n de de'eno' la vɔɔre la ka de diyna ma'a.

Bise idiom duma n gã tilum wa la a vɔɔ

Idiom	Vɔɔre	Solemiine
	Gurenε	

	puan	
A base tu mε		
A koŋe mε		
A leb mε		
A tige la	A ki mε	He/she has
sagebo		died
A bā'a la		
base e mε		
A nyεlege la		
kaam sige		

tiṅa		
A nε la tiṅa	Bunsela dum e	n He/she has been bitten by a snake
A di tige mε	A tari puure	la She is pregnant
A zuo n lobe	A de zoolego	la He/she is mad
A ka tĩiri	A bε mε (a	He/she ia a

nu'o	ka bo'ore nɛra a pugum tara ti la gaɲɛ la se'em me.	miser
A gori mɛ	A ka bo'ori gilema	He/she does not respect

Tu san bisɛ idiom duma wa n boi teebule wa zuon wa tu wan nyɛ ti idiom woo kɔ'ɔm pɔsera la 'A'. 'A'la de la yusɔɔseɲa n ze'eli bo'ora

nera. Bala iṅa, la pa'alɛ ti tu ka tari idiom duma tɔgera makera sela yoo san dagaɗa nera ma'a.

2. ZAALEŊA (LITERATURE)

Zaaleŋa de la buuri yɛla ti ba tũ a la nɔɔre bii gulese biŋe kurum sa ti la tole na paɛ zina.

Sɛla iṅa ti la nara ti tu zamesɛ bii tu mina zaaleŋa yɛla (The importance of studying literature)

1. Zaaleŋa bo'ori tu la yɛm, zamesego, la pupeelum bii nyĩima-
Literature entertains, educates and gives pleasure.

2. Ka base ti neraba boɲa la taaba n ana suɲa- It makes people more socially fit
3. Ka base ti tu baɲera bii tĩ'isa nyeta la sela n iti duuni wa za'a-It allows us to share the imaginative world of the writer.
4. Tu dole ka puan bokera sela n ka nari ti tu ita la sela n nari ti tu ita- It teaches moral lessons
5. Ka yilegeri la tu putĩre la yem-It broadens our knowledge and outlook
6. Ka base ti tu buuri la ka yela ka malegum boregera- It is a source of preservation of our culture.

Zaaleŋa pu la buyi. (There are two forms of Literature)

1. tɔgum/nɔɔre zaaleŋa-oral literature
2. gulesego zaaleŋa-written literature

Sela ti tu yete tu bise kalam de la tɔgum zaaleŋa yela

- a) Gulo la Lusi/Wia la Talitesi, (Drum/ Horm Texts,**
- b) Zεbeyu'ura (Praise appellations)**
- c) Magesa (Riddles and Puzzels)**
- a) Gulo la Lusi/Wia la Talitesi, (Drum/ Horm Texts)**

Deno buuri buuri zo'e Gureᅇᅇ so'olum gee gulo la lusi n de de'eseko n bo'e ti la yuue ka tara makeᅇ. Gulo la lusi wa ko'om ka dena la de'ema bunᅇ ma'a gee ba tari a tuna la naresum tuuma. Budanya'aᅇa bii poᅇgenya'aᅇa san tige sagebo, la de la Gulego la Lusi zom gosego. La ta'am dena de'eno yoo magese wuu kibesi gee darena bukeka n ki, gulo la lusi wan ta'am de'em gee ᅇme kaᅇa boi la kayima la bunkeka kuure puan. La san dena kuure puan, gulego la lusi wa ᅇme'a me kelum bona la kayima. Ba ni ᅇme'era muula me ti kuma gaᅇ deon. Fu se'em san pugum bona zi'an n zaaᅇ gee ka wum kuure la yele, fu wan ba'asum baᅇe ti kum n ku n soi ᅇme kaᅇa la. Gulego la ne ᅇme'era

yeta ti ‘a nam gã me zan tana’. La san dena wia/yia bii taliteña la, ba ni pebera me yuuna ti ba sakera dola a peebego la. Bala iña, gulo la lusi

1. ημε’eri muula la kum yele (yele maalego)
2. ημε’eri ti de’ejo n zikera(pupeelum la nyiima b bona de’ejo puan)
3. ημε’eri bota la ligeri (ligebore)

b) Zabeyu’ura (Praise appellations)

Kurum sa la, la de la naduma ma'a n yum tari zεbeyu'ura gee nanani wa, nεreba zo'e zo'e nyaa po sigera zεbeyu'ura mε. Ba san bo be naba, la pεrege mε ti a tara zεbeyu'urε. Zεbeyu'urε de la yu'urε ti nera ye le ye le wuu naba ni tĩ'ise bo amiņa ti di tara vɔɔre .

Naduma zεbeyu'ura fii wa n ga tilum wa

- dubila naba-----bãpee le gani yabega
- bolga naba-----pisuņo belum kugera
- Dachio naba-----adiņete'ele luberi wɔ
- dubila nab -----Mɔzεbega lebege kanε

Zabeyu'ura sum yela

- 1) Di zekeri la naba bii nera zuo
 - 2) Di kpegeri/kegeri la nera inja tuuma puan
 - 3) Di base ti naba n peregera tuna dola la n pa'ali se'em la
 - 4) Nereba doli bini zamesra la yem bem zuo, a de fu ti'ise banε a vɔa
la
 - 5) A base ti buuri malema n ka kiira
- c) Magesa (Riddels and Puzzels) pu la buyi**
- i. Magesegira (Riddles)**

Magesegira de la dɛma bunɔ ti zo'e zo'e ba dɛ'ɛna sankɛka ti ba solena solɛma. Nɛreba san ne yeti ba solum solɛma ba ne ta'am dike magesegiresi wa nan magesɛ gee nyaa kɛ solɛma la puan.

Magesegira Naanɛ

1. a de la sokere n eeri lebesego
2. a sokere duma la ani mɛ ɲwana gi'i gi'i.
3. a lebesego de la yelbiyina ma'a
4. ba doli la logeseto bii yeles'a n boi bii iti tu kɔrum kɔrum la sɔgesa ɛera lebesego la
5. sokere woo yaa la di pɔsera ti, 'beni n boi'

Magesegira fii wa n bala n gã tilum wa.

Makerε/Sokere	Lebesego
Beni n boi ti fu san tum e, a kan kiηε gee ti fu san ye'esa zi'an ti fu tum e la, a dola fu?	yisumyilego
Beni n boi, tara zuureε gee ka lobera de?	Sanpaneε
Beni n boi ti fu san tum e a wan kiηε gee kan malegum	kugre

lebe na yele fu tum e sɛla zuo la	
--------------------------------------	--

ii. Magesewogera (Puzzles)

Magewogero wuu magesegira la me mageseri la sansɛka ti ba ni solena solema. Magesewogero bama ka eeri lebesego n de ylebire diyina woo magesegira la. Bama eeri la fu ti'isɛ paɛ paɛ gee nyaa

doose yelum duma puan tɔgɛ pa'alɛ bukerɛ bii lebesego la n nari bii n de se'em.

Bisɛ magesewogero fii wa n boi tilum wa.

Sokere: Nɛra san tara bua, sãseɲa, la ki ti a yake mɔgerɛ, gee ti ɔɔreɲɔ kuyina ma'a bɔna gee me dikera bunɔ la yi ma'a, nɛra wa wan iɲɛ la ɲwani ta'am loose n tari sela ayina ayina doose ɔɔreɲɔ yake gee ti bua kan obe ki ti sãse na mi ka paɛ bua obe?

Leesego: A wan tari la bua yake ta base gee gee ki la sãseɲa. A wan lebena tari sãseɲa yake gee a wan lebesɛ tari bua la lebe. A nyaa wan

dike ki la tari yake ta pa'ase sãseña puan gee lebena tari bua la yake ta pa'ase.

Sokere: pɔgesi sitã la si kɔma n yeti ba yake mɔgere. Ɔɔrenɔ la dikeri la nereba bayi ma'a. Pɔka san forege gee base ka bia, seba bii se'em gee la oberi bikaña me. ba wan inɛ la ɲwani ɲwani yake mɔgere la bayi bayi bii ayina ayina gee ti pɔka kan nyaɲe paɛ bia obe?

Lebesego: pɔka la ka bia wan yake gee ti pɔka la tari ɔɔrenɔla lebena. Kɔma bayi la wan tee toe ɔɔrenɔ yake ta paɛ ba tadaana la gee ti bia kayima tari ɔɔrenɔ la lebe. Pɔgesesi kɔma n boi yakene sa la wan to'e ɔɔrenɔ la yake ta paɛ ba. Pɔka la ka bia wan tari ɔɔrenɔ la lebe. Pɔgesi

siyi la wan base ba koma la gee dika ɔɔreɔ la yake ta pae poka la ka bia la. Bia la wan to'e ɔɔreɔ la lebe ta tara bia kayima na ti bia kayima le lebe ta tari se'em yee la yake.

Fu san bise magesa la a lebesego n boi zuon wa, la pa'ale ti magesegira la eeri la lebesego n de yelebiyine ma'a. Magesewogero la bama lebesego la eeri la fu ti'ise pae la yele pa'ale fum wan iɛ se'em ta'am fae fumiɲa yele puan.

3. BUURI YELA ZAMESEGO

- a) Beni N Pa'ali Buuri, Malema La Na'am Yela (What Constitute Culture, Customs And Institutions**

Buuri yela de la nɛreba n dole solisi'a vɔna ba vom tingɔɔ wa zuo ti a dena buyina. Mw,ba sira sakerɛ, tɔgum, malema, lɔgerɔ yɛa, wara dɔlega la yela zo'e zo'e.

**b) Yelesi'a Bii Iteseke N Pa'alɛ Ti Nɛreba De La Buuri
(Factors That Determines Culture Of A Given People)**

- i) tu lɔgerɔ yɛa (clothing)
- ii) tu dia (staple food)
- iii) tu yu'ura sika (naming)
- iv) tu tɔgum (language)
- v) tu wa'a (the way we dance)

- vi) kuure malema (the way we perform funerals)
- vii) tu pɔgedere la di malema (the way we marry)
- viii) tu na'am bɔbega puan (how we inskin one to be a chief)

c) Buuri Yelesi's Ti Ba Tuna (Selected Cultural Practices And Institutions)

i) Pɔgesa'ara La Budasa'ara Malema--Puberty/Initiation Rites

Gaana wa n gã'are ta tue, bia san sule ba'ase ka nyaa lebegeera poka bii budaa. Malema asi'a n boi ti ba ni iɲe ti la pa'ale ti fu nyaa seke fu di

pɔga bii fu ele sira. Tumam Gureɲo so'olum wa puan la de la pugeto bii pɔgesa'ara ma'a ti ba malena-ana wa.

Yabega ņmaa (Female Genital Mutilation

La de la zinabeere wa ti nɛreba nyaa bise ti yabega ņmaa be'em yɛla zo'e gana ka sum yɛla ti ba zigera ti ba base ti la ke vũuren. Gee kurum sa la pɔgela san ta sule ba'ase, ba ne yi la pɔkubega(se'em n ņmati yabesi) ti ka wa ņma pugela la zankabere base. Ba san iŋe bala la pa'ale ti pɔgela la seke ka ele sira bii ka ta'am nyɔke puure dɔge.

Yabega ņmaa sum yɛla

1. La de la sɛla ti ba yum dɔla bini gu'ura pɔgeto ti tu da yalegera/yaala. Ba san ɲma pugela yabepeelee (se'em n ka ga'are la budaa kurum) la ne dena la yu'ure bo'ora pugela la la ka yire duma za'a. Gee ba san dena wuu ba bise ti fu diɲe mi budaa gee nyaa yite fu ɲma yabega la, la de la ba woole fu ti fu zuo fake. Nwana iɲa pɔgeto yum gu'uri la bamesi gura ba ɲma yabega gee nyaa ele sira ta'am baɲe budaa.
2. Zankabere ɲmaa la ne base ti pugela penɛ ka baɛ egera. ɔwana ni base ti ka tana nyɔkera la ka miɲa gura sire-ele.

3. Pugela san ele yabepeelee vɔa, kaɲa la ka sira n de seba n nan pɔse baɲera taaba, ne base me ti ba sua ke taaba kankaɲi ti pɔgelebesego ka baε bɔna. Ba se'em ka tĩ'iseri pɔgeseka bii budaa seka ti ba tabele gã'are la e yelee ta dose bini sa'am.
4. La gu ti pɔgum ba'ase ka nyɔgera nereba yoo yoo wuu zina beere wa. Bem zuo, pɔgeto la yum ka gã la budebto bii budaa wan ta nye ba'asi.
5. La yum base ti ba yese ne bamesi tuure bii zeregere puan base me. se'em yum san ka ŋma gee ele, bii nyɔke puure, eɲa daana yum ka nyeti vo'osego la ke-sega la tuure.

Yabega ηmaa be'em yela

1. Nanani wa, la ta'am dike ba'a kĩ'ĩse nereba.
2. La base ti nereba nyeta pugela la nyane
3. La ta'am ne ta base ti pugela la dogum tona bo'ora ka.
4. Se'em ta'am doose bini ki yεsera ziim ba'asego puan
5. La de la induma bo'ora pogela la
6. Pugela la pene n ka baε egera la ta'am base ti ka ka fabela budibela
bii budaa yele ta doose bini kone elega.
7. Pugela la kan ba'ε nyeta nyelum kaņa la budaa/budibela gã'arego
puan

ii) Pɔgedire(Buuri Buuri, Alakisa)—Marriage (Types, Do's and Don'ts)

Pɔgedire de la malema asi'a ti ba ne inɛ base ti pɔka base ka so la ma la ka yire duma za'a gee dike kamiɲa ta lagum la budaa ti ena la ena bona, doɲera gee sugera taaba ba vom puan. Gureɲo so'olum wa sela ti ba ne inɛ de la budaa la ne nan kina la pugela la t ka bota la yire. A ne nan kiɲe ta limese mɛ. kindinɛ, ka ka tari sela. Budaa la san lebera ka wan tara taba la gu'ure. Se'em n boti naresum ta'am tara ko'ɔɲo bii ki'ini la pa'se kinɛ. Hali seba ta'am tara daam pa'se zinabeere wa. ka

wan kina bala ti san ta bise ti ka mu'uri la nini la kinε la, ba wan gu e gee loe dabesere nyaa suue wan elese pugela la.

Pugela la san paε ka sira yire , sela ti ba wan inε ti la naam podire de la

1) Zoteba. Pugela la tãpa wan kinε ka sira la yire ta base ti ba ku nuusi, li'ini, la duja bii dusi duge dia ti ba di gee tari neno la kule.

Kalam, pugela la tãpa la wan v̄ise baņe nyaa ba tã la wan ta'am ke yire la puan? Ba wan baņe pugela la la ka sira la ani taaba la ηwani?

Kaṅa la ka yire duma la aninwani? Daanɔ yela de la ani bona yire la puan?

Ba san bise ti ka wan ta'am ke yire la puan, ba san lebe kule, ba wan sake ti ba nme nuo. Ba san bise ti ka yire la puan ki'a wan tona, ba kan sake ti ba nme nuo. Ba wan banɛ ba wan inɛ se'em ti pugela la base yidine puan gee malegum ee sira ele.

2) Nuo nme'a

Nuo nme'a de la pɔgedire malema ti ba ne inɛ ti la gu ti pɔga la ka le tara sore ti ka ga'are la budaa yoo san darena ka sira ma'a.

pugela la sira yire duma n ne tari nɔdɔɔ kiɲε ka sɔ yire ti ba to'e ta base se'em n de sobia yire bii ba galesε ba ti ba tari kiɲε sobia yire wa ta tise gee lebe kule. Ba san to'e nɔdɔɔ la, nuo ηmε mε n bala. Ba san zagesε, la pa'alε ti ba ka sake bo pɔgedire la. Ba san diɲε to'e, diɲε daare tara ye'esa sa, pɔga la sa tue tue gã'are la budaa yoo san darena ka sira, yele bii yela wan yɔge e. a ta'am be balege ta ki a san ka sake ti a pure a bonisi. Nuo ηmε'a la ka gu ti budaa la da di pɔga pa'ase bii gã'are la pugela bii pɔka yoo.

3) Nuo ηmε'a san tole, pɔgesule n nyaa de sela n tageli.

Pɔgesule de la pugela la sira yire duma n ne tari nii bii nii la piisi tab o ka so yire duma ti la pa'ale ba namesgo nyɔɔɔ. Gurenɔ so'olum wa, pɔgesule de la nii i naasi. Gee ba ni tari la i tã ta tise, ti fu pɔa la san ta dɔge ti a bia ele, fu nyaa wan to'e naafɔ ta nae.

Malema atã wan san inɛ, la pa'ale ti pɔgedire inɛ ya. Budaa nyaa yi'iri pɔka la ka pɔga ti pɔka la me yi'ira budaa la ka sira.

Pɔgedire n bɔgesɛ se'em

1. Budaa ta'am nye pugela n ka ele bɔta ka ta di doose sela ti tu yi'ira
ti a sɔɛ wan elese pɔgedire

2. Pɔka ta'am ele gee tari ka yibega(pɔgesɔɔ) ti ka ta yɔɔla ka bia bii kɔma gee kelum sugera e. Pɔgesɔɔ la san ta zo'e seke ele, pɔka la sira bii budibela/budaa n bo'e yire la puan ta'am kɔ'om dike pɔgesɔɔ la ti ka dena ka pɔga. Tu yi'iri nwan la **pɔgesɔɔ pɔgedire**
3. Nera ta'am kiŋe satiŋa ta seke pɔka dɔgum. Pɔka la san dɔge pugela, saana la n ne lu bia la. Ka san ta zo'e seke ele, la de la se'em lu e la san tara dayua a ta'am di pugela bo a dayua la. See eŋa n yeti a ka tari paŋa wan di pugela la n de ka tee ele zi'an yoo. Pɔgedidina de la **lua pɔgedire**

4. Nera zo bii a suma ta'am dike a ta bii bii a bipugela bo ti ka ele e.
nwana de la **zo bii suma pagedire**
5. Nera ta'am tibe pugela ti ka san ta ana sum bii tara imma'asum ka
so duma dike ka bo tiba la ti di e poga bii a dike bo a dayua. Tu
yi'iri nwana la **tibega pagedire**
6. Na'am pagedire. Naba san nye pugela bii poka nne, a ta'am base
ti ka zi'ire a na'am gono la zuo. Ka san dike zi'ire na'am gono la
zuo, la de la naba di pugela la bii poka la.
7. Budaa san ki gee base ka poga ti ka yibega bii kiima soe di , bala
de la **pogekore pagedire**

8. Nɔŋɔ ta'am nyɔkɛ nɛra ti a dike a bipugela n pugum ka seke ele bo nɛra ti ka ta sugera e gee dooe bini to'e sɛla sugɛ amiŋa. Pugela san ta zo'e budaa la ta'am kɔ'ɔm di ka bii a dike bo a dayua bii a sɔseko ti lebege pɔgedire. **Dwana de la tampugere ŋme'a pɔgedire.**

9. **Aperege nyɔkɛ pɔgedire** de la budibela/budaa n boti pɔka ti la ta yue gaŋɛ gee ti ba ka dike bɔɔra e, ti bat a nyɛ ka zi'an yoo pɛrege nyɔka tari kule.

iii) Pɔgelebesego(sɛla n ta'ase la ku yɛla)---divorce (causes and effects)

iv) Malema n dole la pɔgepua daana, dɔgum la kum

v) Yu'ura sika

d) Nayire(Nɛntɔleba)—The State(Founding Leaderships)

Gureŋɔ sɔ'olum puan na'am dia de la yeke kãte. Tu kan ta'am baŋe na'am la n pi'ilum se'em Gureŋɔ sɔ'olu sa'a la puan gee la san dena yizuto yizuto puusen la ka tɔi ti tu baŋe na'am dia n pi'ilum se'em na. Gee la za'a sa, Naba san kiŋe va'ami (ki), ti ba yeti ba tee bobo Naba, la nari ti ba doose se'em n ŋwana;

Sɛba n de nabiisi bɔta na'am la ni zom/kiɲɛ la naiyre (zi'a ti nakãte la bɔna bɔbera naduma la ta bɔ na'am la. Ba wan tara ba nutatum n de sɛla kiɲɛ ta pa'ale gee bɔta na'am la. Saɲaseka ti ta bise ti la nari ba dike na'am la bo sɛba n boti la ayima, ba wan base ti ba woo baɲɛ ti dadina daare wan bobɛ na'am la. Sɛba n boti na'am la nyaa wan maasum bamesi gura di daare la. Nabɔta woo wan tari a poredɔleba la de'ende'eneba kiɲɛ ta maasum ze'a ge gura. Ba wan base ti nabɔta woo zi'ire a naafɔ gɔɲɔzuo gura se'em ti ba wan loe bobɛ. Nabiisi la san ku noore ti ba yeti ba bobɛ la Azagela na'am la, ba wan base ti naba pɔgesarega/pɔga baɲɛ e suɲa suɲa. Ba nyaa wan di muɲa bo

naba pɔgesarega la ti tari kiŋɛ ta vugele se'em ti ba pa'ali e la. Dwana san iŋɛ, na'am bobɛ ya. Ba zo ta nyɔkɛ e tɔkɛ ti kinkɛlesi sigera ti de'endɛ'eneba la iŋɛ de'ɛno base tiŋɛ ti a podɔleba nyaa sakera la pupeelum tara ba naba kula. Logeseto ti nabɔteba la tari kiŋɛti ba bo na'am la, seba n ka di na'am tari ba dusi(nii) la sela woo lebera kula mɛ. Se'em di na'am la, ɛɲa dusi la logera la za'a de la nayire(nakãte se'em n boberi) la dinɛ.

e) Sareya Di Sore (Judicial System)

Kurum sa la, nereba yuum san zabe bii nme noke'ene, ba ni pae la ba yizuo kiima zi'an ti a male yele la. Yizuo kiima la san konje yele la maalego, yizuo kiima la wan bob a fole ti ba san bota ba san taaba naba yire. Ba san san taaba naba yire ti naba la a kima wan wiise yele la nima nima ta banje se'em n ka tari buuro bii n gee. La ta'am dike pae dabesa atã anaasi bii bakwai bii hali ganje bala. Naba la a kima nyaa wan base ti seba n nme noke'ene bii n zabe la la ba nereba zi'ire naba zonen ti naba toge sela ti ina la a kima ku ti ba bo nereba la. Naba la nyaa wan gake bob a se'em n tue bii n gee. Ba san to'e, naba la nya wan kee ba ti ba nyo sela

magesi wuu nɔdɔɔ, pesego, la ligeri. Kεεε la wan yese la yele n kãrege zuna se'em.

f)Sira Sakerε la di tari yelesi'a ita tu vom puan (Belief and its influence on life

Sira sake bɔke la buyi. Sela ti tu nini ka nyeta la sela ti tu nini nyeta.

Sira sakerε ta'am dena sela ti nera nini ka nye bii tuba wuna la tɔgum bii voole gee ti a puti'ire puan sake ti la boi. Nera nera ka nyi Nayine la a nifo be wuna ti Nayine tɔgeri gee ti tu zo'e zo'e sake ti Nayine boi. Yela so'e zo'e ti tu seba pugum sake ti a boi

gee ka nyε a la tu nini. Magese wuu; kuko, zoore zuo kinkirego la malesi.

Sira sakera kelum me ta'am de'ena sela ti tu nini nyeta ti la ka togera gee ti tu tara sira sakeri ti zugela tari pana gana asaala. Magese wuu; tiisi, kuga, бага tingama la yela zo'e zo'e.

Sira sakerε n tari sela ita tu vom puam

a. di gu'uri tu la tuumsi'a n ka ani suna puan basa. Magese wuu tu tari sira sakerε ti Nayine boi la, tu kelum tara sira sakeri ti Yine miņa ka boti ti tu tuna sela n ka ani suna yele wuu nanyigum, fai, pumporeņo, nereba kua, yalesi tuuma la itego

zo'e zo'e. tu san sina gee tuna a, tu san ki daare a wan base ti ke tinmolegan. Tu mi boti ti tu ke tinsunan la, la perege me ti fu basa be'em tuuma wa.

b. di base ti tu na'asera la sela ti tu nini ka nyeta bii sela ti tu nini nyeta gee ti la ka togera. Kirista koma ni lagese taaba deo pua ti ba yi' ira ti Yinε dio, bii zi'an yoo dene ti Maalum duma in ni lagese masareki(Yinε) puan pu'usera na'asera Yinε gee ka nyeta E.

c. di base ti tu suna la taaba. Seba n tari sira sakeri diyina la, tari nogere bo'ora taaba me.

Yela asi'a mi boi me bii iti me ti la njwana la sira sakere gee aja
dole me la sela n ije. Solemiine puan ti tu yi'ira ti totems

Diimin sa la, nera yum yaa la ba ki'ira goto puan kuura goodusi ti si
dena ba nenɔ bii kɔ'ora miisi kula pe'era sunɔ gã. Ba ta'am ni ta boi
goo la puan pugum ka le ta mina ban dole zi'an lebera na. la ta'am ta
ije njwani ti bunvɔseka ta dose bini fãe nera la base ti a vo'e bii nye
sore lebe kule. Bunvɔseka n fãe nera base la n lebege la sela ti nera la
pota ti a ku kanbenti a obe la nenɔ. Ba ni tara sirasakere bo'ora
bunvɔsina ti si de ba ba yaabeduma n ki la n naam lebege bala. Bua,
gumatia, eeo, ebiga de la bunvɔosi wa sesesi ti n togera wa.

a) **Naresum Yela (Values of the People)**

Nereba san naa taaba bona, yela asi'a ni bona me ti la dena peregere ti ba woo ita bii dola. Yele-ana wa de la si'a n sujeri ti ba bona la taaba la kina suja suja.

Naresum yela wa de la gilema bua (respect), na'asego/noore sakerε (obedience), birekinte, (honesty) yelemijere togum (truthfulness) , tintina (hard working), la asi'a.

Nereba san dola bii tuna dola yele ana wa, la base ti pupeelum, suma'asum la tinmaalego n paara nereba la.

PAST QUESTIONS AND ANSWERS

January, 2011

‘a’ wele

1. Gulese Gurene konya’asi siyi (2) n de agubase konya’asi.

/p/ /b/ /t/ /d/

2. Tɔgum logetuni tuyi (2) ti fu wan dike yi Gurene konya’aja wa

/f/?

Saazuo nyena la tinanɔɔre nɔgbana

3. Gulese kodaasi siyi n de

i) Zeleña dolegere kodaasi -----/i, e, u, o/

ii) Zeleña turega kodaasi-----/ε, ɔ, ʊ, ɪ/

4. Pa'ale koseka n ka nari ti ka po bona kũusi deto wa puan.

i. /d, s, f, t/ -----/d/ ma'a n iti kinkomi'isi mina

ii. /u, ɪ, e, ε/-----/u/ ma'a n de poore koda

5. Gulese yelebea ayi (2) n boi Gurene puan tara vo'osum wa
naaṅɔ taaba

i. KnKnKd----Mba , Mma

ii. KnKd -----di, so,

6. Pa'alε yu'ura tuuma ayi (2) n de si'a Gurenε yelesum puan.

b)A ze'ele bo la ita b) a ze'ele bo la namesa

7. Pa'alε itego pa'alesi wa tinsi wa n bũusum yelesum duma wa puan wa n de itego pa'alesi sesi.

i. Aba'anε kini kalam mε daarewoo-----Saņa

ii. A kini sukuu mε saņa woo-----Saņa

8. Gulesε Gurenε yelesum buyi n gee pa'alε;

i. Yele-ita n de se'em-----Saa ηmε niija la mε

ii. Pirediketi n de sɛla-----Saa ɲmɛ niɲa la mɛ

9. Pa'ale idiomatiki yelesum wa vɔɔre n de sɛla.

‘Oom’! Akum, fu iɲɛ mam la ɲwani wa?-----fabelego

10. Gulesɛ simili pa'alesi siyi biɲɛ.

i. -----Abaa diti wuu kurikuri la

ii. -----Vom ani wuu gele la

11. Bo tɔgebiɲebo tuulum buyi n sɛla bo'ora fu buurre

-----Bu ɲmati la tɔgum gi'i

-----bu bo'ori la yɛm zamesego

-----bu base ti tɔgum la tara la tibesum

-----bu ka'ani nereba me ti ba dola sela n nari

12. Bo togebiṅebo n togeri

- i. Na'asego yele-----Ba ka galeseri digere neṅa gee zεεna
di kinε
- ii. Tuuma yele-----Napeεla n tari dia gee fisepeεla ka tari
dia

13. Bo idiom ayina gee pa'ale di vɔɔre

Idiom-----A ne la tiṅa

Vɔɔre-----unsela n dum e

14. Pa'ale sela iṅa ti fu buuri ḡme'era lusi/gulo bii pεεbera
yiisi/wiisi. Bo putĩ'ira ayi

-----ti ba moolε sela n boi

-----ti ba malum kuure malema

-----kibesi bii de'emkãte san bona

15. Pa'ale nεrebaseba bayi (2) n boi fu buuri puan ti ba ni baana
saanaba

1---naduma 2-----buntateba/gilema nεreba

16. Pa'ale putĩ'ira ayi (2) n base ti saaño baañã tara tuulum b'ra fu
buuri

1---Ka zekeri la nera zuo 2.----Ka teeri la nera vom 3.--- Ka
base ti tu banjera la nera n de mina

17. Pa'alɛ dakerɛ naaŋo buyi (2) kankaŋi n de sela

--a vua la ka nĩɛ ---a tari la bɛɛna/vɛɛsi duma -----a pɔseri mɛ la
kɔkatɛ(upper case letter)

18. Guleɛ gulesego zaaleŋa la n boɣese se'em butã biŋɛ.

---de'eŋo ----dakerɛ ---banaa

19. Pa'alɛ soa ayi (2) ti ti gulesa wan ta'am nyɛ de'edɛ'eneba bii
yele-iteba ti ba bona a gulesego yɛla/de'eŋo puan.

--nɛreba ---dusi

20. Pa'alɛ yele-itseka yu'urɛ n ba'am yese bii niɛ Fari fari solema
soleño puan, la fu pa'alɛ a boŋa solema puan la n ni pa'ala sela.

----aso'ɔŋa -----yem daana

21. Pa'alɛ loŋero tuyi n pa'ali fu fu so'olum Naba paŋa n zuni
se'em.

1. Muŋa 2. Da'am doore 3. Na'am goŋo

22. Pa'alɛ naba tuuma ayi n de sia bo'ora fu buuri

1. A bisi la tiŋa nereba la suma'asum yela 2. A gãkeri/ku'uri
la toŋum

23. Ya buuri puan, yele san inε ti ba yeti ba zĩ'ire di di tɔgum la,
pa'alε ba ne inε sɛla la sɛla gee nyaa ta ηmaε bii ku'ε tɔgum la
pa'alε nεremina n tari buuro la nεremina n lui.

--ba ni kelese la ηaba la putĩ'ire n de se'em tɔgum la puan

24. Pa'alε yelesuma atã (3) ti fu buuri nεreba la za'a nara ti ba ita
ba vom puan

25. ---na'ago ----gilema bua --- sugeri ---tintuneba

Sogesego duma la la nari ti tu lebesego duma dεna se'em

1. Gulesε neηa kɔdaasi siyi ti si yi'a puan zεleηa la tuta lεbera pooren.

...../l/..... /ε/.....

2. Dikε kɔɔsi wa n boi tilum wa gulesε iηε yelebεa puusum.

i. /u/.....**uke**.... ... **buke**..... ...**luke**.....

ii. /η/....**Tiηa**..... ...**Naηa**..... ...**Zaηa**.....

iii. /l/....**Pikε** ...**dikε**..... **Tigε**.....

3. Pa'alε ηwana gi'i kɔɔsi wa n boi tilum wa yi'a puan n ani se'em.

- i. /i/...Zeleŋa neŋa boberε n zεkeri ta paara zεlepulaka dolegera gee ti noɓbama yaregera.
 - ii. /ɔ/..Zeleŋa poore boɓa n zεkeri, tuta laɓera pooren gee ti noɓbama kilesera.
 - iii. /f/...Tiŋa noɓbanε la saɓuo nyεna n paari taaba gee ti kunkomi'isi ka mina.....
 - iv. /g/...Zeleŋa tiŋasuka n zεkeri paara zεlepulaka gee ti kunkomi'isi mina.....
4. Guleε kɔsi siyi ti tu tara zeleŋa pusuka yi'ira si

...../k/.....

...../g/.....

5. Pa'alε zi'isi siyi tit u tara yi'ira /p/.

.....Tiṅa nɔgbanε..... Saazuo

nɔgbanε.....

6. Tigese kɔɔsi wa doose si yi'a puan sesi ti kunkoduṅɔ mina bii ka
mina.

/k,t,g,z,s,d/

.....mina /g,d,z/.....

...ka mina/s,t,k/.....

7. Pa'alε vo'om n se'em bɔna yelebεa wa puan.

i. daa**buyina/buyila**.....

ii. Kampone.....**buyi**.....

iii. Bulembuka.....**butã**.....

8. Pa'alε yelebεa wa ti ba buε daalε yeledum duma wa puusuntuunε somebody

i. Pɔka la kini la ***kalam kalam***.

.....itegɔ pa'alega n pa'ali itegɔ la n iηε/iti se'em se'em

ii. Aduko dela **kaara**

.....Yu'ure/yu'ure yelebinaare/namesa.....

iii. Loore la de la paale

.....yupa'alega/kompulementi.....

9. Gulesε tεgebiŋebo sum yela ayi ma'a biŋe

...i. **Bu ηmati tεgum gi'a gi'a.....**

...ii. **Bu pa'aseri la tεgum tibesum.....**

10. Bo puti'ira ayi pa'ale sεla iŋa ti tεgebiŋebo tara tuulum.

**...Nereba n dole bu puan nyeta /zamesera yem la
ija.....**

...Bu pa'ari tsum la tibesum la ija.....

11. Pa'ale sɔa ayi ti nera wan doose dena tata ti fu buuri kan bota.

.....Fãa/Nanyigu.....

... mmu'ure/kinkisum.....

12. Gulesɛ tɔgebiŋebo n tɔgeri

i. Kinkĩgĩsum

.....Baa yeti, lu ti n lu n de de'eno.....

ii. Zinnyagerε

.....Fisepεεla n tari dia gee napεεla ka tari dia

13. Bu putĩ'ira ayi ti fu buuri tara ti a dεna sira sakerε bɔ'ɔra Yinε

...i. Ko'om ka'arε puan ti ba ni yeti to'e la fu paε Yinε la

...ii. Ba tari Yinε sigera kɔma la. Mw Ayindenaba, Ayinε

14. Pa'alε yεla ayi ti tiŋa nara ti ka tara gee ta'am yelege sɔna bamεsi

tara naba

...ka yizuto san zo'e pae la nari se'em la.....

...Ka nreba san zo'e pae la nari se'em la.....

15. Gulesε yelesum ti bu tara yusɔɔsɛɲa ti ka dena ita.

....Ya zina ka wa'am kalan na.....

...Mam sɔ da la loore.....

16. Gulesε Gurenε kɔnya'asi SIYI n de agubasε kɔnya'asi.

...../p/..... /b/.....

17. Tɔgum lɔgerɔ TUYI ti tu wan dike yi Gurenε kɔnya'ana /f/.

....saazuo nyenatiɲanɔɔre nɔgbane

18. Gulesɛ kɔɔsi SIYI n de

i. Zelenɔ dɔlegerɛ kɔdaa...../i/...../e/.....

ii. Zelenɔ turega kɔdaa...../ɛ/...../ɔ/.....

19. Pa'alɛ kɔsɛka n ka nari ti ka bɔna kũusi.

/d,s,f,t/...../d,f//... /u,i,e,...../ɛ,u/.....

20. Gulesɛ yelebea AYI n boi Gurenɛ puan n tari vo'osum wa naaɲɔ
taaba.

i. KnKnKd.....**Mmaa**,... ... **Nba**.....

ii. KnKd.....**Ka**.....**Sɔ**.....**Di**.....

21. Pa'alɛ yu'ura tuuma n de si'a Gurenɛ yelesum duma puan.

...**Aze'ele bo la it**.....**A ze'ele bo la namesa**.....

22. Pa'alɛ itego pa'alesi wa n dɔaale yelesum duma wa puan wa n de itego pa'alesi sesi.

i. Aba'anɛ kini kalam mɛ **daariwoo**.....**Saɲa**.....

ii. A kini sukuu mɛ **saɲa woo**.....**Saɲa**.....

23. Gulesɛ Guresɛ yelesum Buyina gee pa'alɛ

- i. Yeleita n de se'em**Budaa** la di la gea.....
- ii. Pirediketi n de sɛka.....Ayamga la **yɛ la fuo**.....

24. Pa'alɛ idiomatiki n de sɛka yelesum wa vuurɛ n de se'em.

Oom! Akum, fu iɲɛ la ɲwani wa?

...**fabelegɔ**.....

25. Gulesɛ simili pa'alesi SYI biɲɛ

...**Atia ɲwɔni wuu sɔ'ɔɲa la**..... **Adua diti wuu kurikuri**
la.....

26. Bo tɔgebiɲɛbo tuulum BUYI n de sɛla bɔ'ɔra fu buuri.

....Bu base ti tɔgum an nyelum..... Bu ηwati la tɔgum gi'a
gi'a.....

27. Bo tɔgebiηebo n tɔgeri

- i. Na'asegɔ yele**Ba ka galeseri digere neηa gee zεεna a
kinε.....**
- ii. Tuuma tuηa yele....**Napεεla ntari dia gee fisepεεla ka tari
dia.....**

28. Bo idiom DIYINA gee pa'alε di vuurε.

- i. Idiom:**A ne la tiηa.....**

ii. Vuure**Bunsela n dum e**.....

29. Pa'alɛ sɛla iɲa ti fu buuri ŋmɛ'era lusi/gulo bii pɛɛbera yiisi/wiisi.

Bo putĩ'ira AYI

i.**Ti ba mɔɔɛ sɛla n boi**.....

ii.**Ti bam alum kuure malema**.....

30. P a'alɛ nɛreba BAYI n boi fu buuri puan ti ba ni baana saana ba.

.....**Naduma**..... **Nɛresɛba n tari gilema**.....

31. Pa'alɛ putĩ'ira AYI n base ti saɲɔ baɲa tara tuulum bɔ'ɔra fu buuri.

i. ...Ka teeri la nɛreba vom..... ii.Ka zɛkeri la nɛra

ZUO.....

32. Pa'ale lɔgerɔ TUYI n pa'ali fu tiɲa naba paɲa n zuni se'em

i.Muɲa..... ii.....Na'am doore..... iii.Na'am gɔɲɔ

33. Pa'ale naba tuuma AYI n de si'a bɔ'ɔra fu buuri.

i.A gãkeri la nɔkpene tɔgum..... ii.....A biseri la tiɲa la

suma'asum/tinmaalɔ yɛla

34. Fu buuri puan, yele san inε ti nεreba yeti ba zi'ire di tɔgum la,
pa'alε ba ni inε sεla la sεla gee nyaa ta ηmaε bii ku'ε tɔgum la pa'alε
nεremina n tari buuro la mina n lui.

**.....Ba ni kelese la naba la putĩ'irε n de se'em tɔgum la
puan.....**

35. Pa'alε yelesum ATÃ ti fu buuri nεreba la za'a nara ti ba ita ba vom
puan

**i.na'asego..... ii.gilema..... iii.sugeri
dia/bu'a.....**

Gonseto ti ya nara ti ya kaale de la;(Reading list)

Akpanglo-Narty, J.N. (1988) , *An introduction to linguistics for non-native speakers of*

English. Tema,Ghana: Sakumo books.

Freeborn D. (1994), *A course book in English grammar*. London: The Macmillan press ltd

Gurenε Maalegɔ Tigere, (2001), *Gurenε Guleseyiŋɔ sɔa la Guleseyiŋɔ yelebεa*. Ankara

BONABOTO

Kropp Dakubu, M.E , Atintono , S.A. & Nsoh, E.A. (2007) *Gurenε-English Glossary*.

Accra:Linguistics Dept.,University of Ghana

Nsoh, E.A. (1999), *Fari Fari(Gurenε) tɔgum naane*. Department of Ghanaian Languages

Education, University of Education, Winneba: Unpublished

Odonkor, P.(no date), *General Knowledge of Literature, an introduction*. University of

Legon: Unpublished.

Owu-Ewie, C. (1998), *Ghanaian Language Syllabus studies*.
Department of Ghanaian

Languages, Winneba: Unpublished.

Rev. Hasken, K. (no date), *Gurenɛ Grammar*, Missionary of Affrica:
Unpublished

Yule, G. (1996), *The study of language*(2nd ed.) Great Britain:
Cambridge University press